

TE HEEHURAA API

I neia i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti,
i te mau fenua Sotaiete. i te mau avae atoa.
Te hoo e piti farane i te matahiti hoê.

Nu. 11.

Novema 1926.

Mat. 20.

*A faaroo mai i te mau parau a te Mesia, o to oe Faaora
oe Fatu e to oe Atua hoi. Inaha, aore au i haere mai i
ia i te fenua nei e parau i te feia parau-tia, i te feia parau
no râ ia tatarahapa: e ere no te feia ora te taote, no te feia
a'i râ; e te tamarii rii ra ua ora ia ratou, aita hoi e tia ia
ratou i te rave i te hara; e te hara a Adamu ra, ua faaorehia
e au, e aita to te reira e mana i nia ia ratou; e te ture no
peritome ua faaore-atoa-hia ia ia'u. (Moroni 8:8.)*

Te Faaroo no te Feia Mo'a Mau

TE faaroo nei matou i te Atua, te metua mure ore; e
i ta'na tamaiti ia Jesu Mesia e i te Varna Maitai hoi.

Uiraa 1. Eaha te tumu no te mau faaroo êê e rave rahi?

P. Aita'tu e pahonaraa, maori râ, faroo i te Atua.

na roto i te haapii-noa-raa i te huru e te mau maitai o te
tua e roaa'i i te taata nei te faaroo pâpû.

Uiraa 2. Eaha na tumu e toru e vai nei tei haapapu
te manaó o te taata e, te vai nei te Atua?

P. Tera ia te tumu matamua, oia hoi, na roto i te
mau parau papai, e te mau paran tuatapapa i te papai-
a mai e i haapiihia mai hoi, mai te matamua mai â,

e tae roa mai i teie nei â, i ite ai tatou e, te vai mau nei te Atua.

Parau Tauturu. Na roto mai i te parau papai e ite ai tatou e, te vai nei te Atua. Ua papaihia te Bibilia i te matamua roa, e na teie buka i haapapu ia tatou e, ua hamani te Atua i te mau mea'toa nei, e tae noa'tu hoi i te taata nei. Ua faaite atoa mai te Atua, ia'na iho, i te mau peropheta tihito. Ua faaroo Adamu rana Eva i te reo o te Atua i roto i te ô Edene, e i muri aé i to rana hiāraa i roto i te hara, ua tiaoro â rana i te i'oa o te Fatu, e na roto i te reira, to tatou ia ite e, ua vai â to rana ite i te Atua i roto i to rana mau. Ua haapili noa Adamu rana Eva i te maitai o te Atua i ta ratou mau tamarī, e tae noa'tu ia Noa, e na roto mai ia'na, ua vai â to te taata ite i muri aé i te dilavi. Ei reira, ua haamatahia te utuafare o Iseraela, o Aberahama ia te upoo no taua utuafare ra, i roto i teie nei ao, e na roto mai i te reira, i fauau mai ai te Mesia. Area ra, no te taata nei paruparu, na taiva noa ratou i tera ui e i tera ui, e na roto mai i te reira, i tupu mai ai te faaroo ore i te mau tau atoa. Ua paraparau Mose i te Atua, mai te taata e paraparau, mata i te mata, (Numera 12:8.) Ua haapili noa Mose i te tamarī a Iseraela, e na roto i te haapurara-raa-hia o Iseraela, na tae te ite i te mau edene i te mau fenua o te ao atoa nei, na roto i te anoi-raa-hia o te toto.

Pera ia te tuunū piti, oia hoi, na roto i to te taata feruriraa i ite ai oia e, te vai nei te Atua.

Parau Tauturu. Mai te mea, e hió te taata i te hamani-raa-hia o te mau mea'toa nei, e ite ia oia, te vai nei te hoé, tei faatere i te mau mea, i hamanihia ra. E maere hoi te taata, e hió atu ai oia, i te mau mea i tanuhia i roto i te repo e te tupuraa mai hoi o taua mau mea ra. Aita roa te hoé fare e vai nei maori rā, ua hamanihia e te taata, e na te Atua i hamani i teie nei ao.

Teia ia te toru o te tumu, oia hoi, ta te Atua heheu-
noa-raa i to'na mau opuraraa i te taata nei.

Parau Tauturu. Ua faaite noa mai te Atua Ia'na iho
i te mau peropheta tahito e te mau peropheta atoa o teie
nei tu. Te faaite mai nei te Bibilia i te mau parau e rave
rahi ei haapapuraa e, ua heheu-noa mai te Atua i to'na
mau opuraraa e ta'na mau ohipa i te taata nei. Te mau pe-
ropheta i roto i te utuafare o Iseraela, ua farii noa mai i te
ite e te maramarama no ô mai i te Atua ra. E i te tau no
to Iesu fuaeraa i roto i teie nei ao, ua heheu mai te Atua
iho i te taata, a na ô mai ai oia e, "Tau tamaiti here teie,
ua maurauroa roa vau ia'na." (Mataio 3:16) Te vai atura
te mau taata i muri iho ia Iesu, te feia o te Ekalesia i te
reira tau e te mau aposetolo tei faarii mai i te heheuraa e
tae noa mai hoi i teie te taua hopea nei, a ite ai Iosepha
Semita i te Atua Mesia, e te tamaiti ia Iesu Mesia e te
Varua Maitai. No reira, na roto i te heheu-noa-raa o te
Atua i te taata, i roaa'ite ite e te paari e tia'i ia'na ia
manaó e, te vai nei te Atua.

Uiraa 3. E hia to roto i te Torutahi, e o vai hoi ratou?

P. E toru to roto i te Torutahi, o ratou ia, Te Atua
te Metua Mure Ore, te Tamaiti o Iesu Mesia, e te Varua
Maitai.

Parau Tauturu. Na roto i te parau papaihia, e ite ai
tatou e, etoru melo e vai nei i roto i te Torutahi. Ia taió ta-
tou i te parau no to Iesu baptizoraahia e ite ia tatou e, e
toru iho â to roto i te torutahi, no te mea, ua ite Ioane i te
tapao o te Varua Maitai, tei mua mai Iesu ia'na i roto i te
anavai pape, e ua faaroo-atoa-hia te reó a te Metua no nia
mai i te raí, e toru ia i reira. (Mataio 3:16) I te taime no
to Setephano taparahi-raa-hia, ua ite aéra oia i te Tamaiti
a te taata i te tiaraa i te rima atau o te Atua ra. (Ohipa 7:
56) E piti hoi taata i te reira vahi, E a pure ai Iosepha

Semita i te Atua, ite aéra oia i te Atua Metua e te Tamaiti ra Iesu Mesia, e ua na ô maira te Atua Metua e, "O Tau Tamaiti here teie, ua manunuru van ia'na."

Uiraa 4. Na roto i te aha i riro ai te Atua Metua, e te Tamaiti, e te Varua Maitai ei hoé?

P. Na roto i to ratou mau manaó, to ratou mau opuarua e ta ratou ohipa i riro ai ratou ei hoé.

Parau tauturu. Ua hape roa te manaó e, hoé noa iho i roto i te Torutahi. Area ra, te vai nei te mau parau e raverahi o teie na ô mai e, "Te Metua, Te Tamaiti, e te Varua Maitai hoé âia." Te vai râ te hoé parau tei haa-papu ia tatou e, aita ratou i amuhia i roto i te hoé tino. Hamanaó tatou i te taima Iesu i pure atu ai i to'na Metua, a na ô atu ai oia e, "Ia riro ratou ei hoé; mai ia'oe e tau metua, i roto ia'u nei ra, e mai ia'u hoi i roto ia'oe na i hoé atoa ratou i roto ia tana, ia faaroo to te ao e, na'oe au i tone mai." (Ioane 17:21) Te pure ra Iesu i te Atua e haamaitai mai i ta'na mau aposetolo. Aita râ e nehenehe ia tatou ia manaó e, ua hinaaro Iesu ia faarirohia to ratou mau tino paatoa ei tino hoé ia hoé râ ratou i roto i te ohipa e te opuarua maitai. No te mea ua hinaaro oia ia vai â te rotahi i rotopu ia ratou e hope roa'e, mai te rotahi i rotopu ia'na e to'na Metua i te raí. Aita'toa e mea ê, i to raua na tino, hoé iho âia huru. Ua parau atura Iesu ia Philipa "O to'u nei hoi parahiraa roa i ô outou nei e, e aore â oe i te ia'u, e Philipa? O tei ite mai ir'u ra, ia hió ia i te Metua: eaha hoi oe i parau mai ai e, E faaite mai ia matou i te metua." (Ioane 14:9)

Uiraa 5. E tino anei to teie na melo o te Torutahi?

P. E tino hanahana to te Metua e te Tamaiti, e tino varua anaé râ to te Varua Maitai.

Parau Tauturu. Tei pihai iho Iesu Mesia i te Atua, na mna aé i to'na taeraa mai i roto i teie nei ao. E ua parahi atoa

oia i
E tin
to'na
faaho
pera
au te
Mait
rua c
ite ho
Ui
te At
nehe
hama
i te
hoé
ite e
vahi
ou e
poiri
rave
ahur
i te f
nei,
ua i
rahi
faait
to'na
mai
Area
Uira
Isera

oia i rotopu i te taata nei, mai te taata nei iho â te huru.

E tino to'na e te rima e te mau melo atoa, e mai te reira to'na faaiteraa ia'na iho i te mau pipi i muri aê i to'na tiafaahou-raa, a aê atu ai oia i nia i te raí. E na roto i te Hespera i te pene hoé e te irava toru, e ite papu ai tatou e, ua au te huru o te Tamaiti i te huru o te Atua. Area te varua Maitai, e varua anaé oia, no te mea, ua parauhia oia te Varua o te Atua, (Mataio 3:16) e te faaao (Ioane 14:16) e faaite hoi oia no te Metua e te Tamaiti. (Ioane 15:26)

Uiraa 6. Te vai nei anei te hoé vahi te ore e taehia e te Atua ra?

Aita roa'itu te hoé vahi i roto i teie nei ao, te ore e nehe-nehe i te Atua ia tae i reira.

Parau Tauturu. E huru taata to te Atua no te mea, ua hamanihia te taata i te hohoá o te Atua. No reira, aita e tia i te Atua ia faaea i na vahi e piti i te taime hoe, maori râ, hoé vahi i te taime hoè. Na roto i to te Atua paari e to'na ite e nehe-nehe ai ia'na ia haere ma te vitiviti rahi i te mau vahi atoa, e no te vitiviti o to, no haereraa, e manaó ai tatou e, ua tae oia i na vahi e piti i te taime hoé. Te vai pōiri noa nei â te taata nei, e aita oia i haroaroa i te man ravea paari a te Atua ora ra. Ahiri te hoé taata e pae ahuru matahiti i mairi aénei i parau e, "E tia i te mau taata i te fenua Amerika ia parau mai i te mau taata i Tahiti nei," ua haruhia ia oia ei taata maamaa. Teie nei râ, ua ite tatou paatoa nei e, te ravehia nei taua ohipa maera rahi ra. E faaiteraa papu te reira no te taata pōiri, e e faaiteraa hoi no to te Atua ite rahi. Noa'tu râ e, e ite rahi to'na, e aroha rahi hoi to'na i ta'na mau tamarii, e e faaoro-mai oia i ta ratou ma hapehape e ta ratou mau raveraa iino Area râ, e faahapa'toa mai oia, a hara noa'i tatou.

Uiraa 7. Eaha te hoé faaneraa ta te Atua i horoa mai i te Iseraela?

P. Ua na ô maira te reira faaueraa e, "Eiaha roa to'oe ei Atua e atu, ia'u nei." (Exodo 20:3)

Parau Tauturu. Te vai ra e piti huru taata tei ore i faaroo i te Atua. E mau taata haamori Idolo te hoé pae, e e mau taata tei manaó e, aita roa e Atua, te tahi pae. Noa'tu e, te vai nei te mau ite e rave rahi, tei haapapu ia tatou, te vai mau nei te Atua, ua hiá noa te tamarii a te taata i roto i te hara i tera ui e i tera ui. Faarue atura ratou i te Atua, haamori ihora i te mau idolo i hamanihia i te ratou ra rima. I te taime i horoahia'i teie ture i te tamarii o Iseraela, te haamori noa ra ratou i te hoé cafa, i hamanihia i te huru o te hoé idolo ta ratou i ite i te feuuu Aiphiti. Mai te matama mai â, ua vai noa te hinaaro i roto i te taata i te haamori atu i te Atua. Ua hiá ratou i te mau tau e rave rahi, e ua imi ihora ratou i te mau atuA êê e rave rahi. Ua haamori ratou i te mahana, te moá, te auahi, te pape e te tahi atu â mau mea. Ua riro teie mau mea'toa ei mau Atua nora tou, te tahi Atua no te tahi pae, e te tahi atuA no te tahi pae. Te mau taata tei faaroo e, aita e Atua e vai nei, no teie nei tau ia ratou, e te parau nei ratou mai te mea ra e, aita roa e Atua, area râ i roto i to ratou aau ra, ua ite papu ratou e, te vai nei te Atua. Ua parau-haavare-noa-hia hoi ta ratou mau parau. E teie mau taata, e feia haapii-noa-hia ratou i te mau haapiiraa teitei, noa'tu râ te reira, aita te paari i roa ia ratou. Eaha râ te tumu i patoi noa'i ratou i to ratou Metua i te raí ra? Te vai ra te mahana, e roohia'i ratou e te ati, e tiaoro atu ai i te Fatu e tauturu mai ia ratou. No reira, e Edeue iho á ratou.

Uiraa 8. Eaha te tumu i tupu ai te mau manaó eê e rave rahi no te taata nei, no nia iho i te huru o te Atua e te Torutahi?

P. Tera ia te tumu, oia hoi, i muri aé i te tau no te

mau aposetolo i ore ai te heheuraa e ua rave-ê-hia te autahuáaraa i teie nei ao.

Parau Tauturu. I muri aè i te poheraa o te mau aposetolo, i tupu noa'i te peapea i te Ekalesia faatiahia e Iesu Mesia. E ua tupu noa te mau manaó eê e rave rahi no te mau taata, no nia iho i te huru o te Atua e te Torutahi. I te matahiti 325 i muri aé ia Iesu, ua faatia te Arii no Roma o Conatine (Constantine) i hoé apooraa rahi i parauhia te (Council Nice), ia iteahia te faaroo papu no te Ekalesia. Ua tupu roa te taivaraa i te reira tau, aita ratou i tiaturi faahou i te heheuraa e te mana o te Autahuáaraa, no reira ua pupuhia teie pupu taata ei faaite i te tiáaraa mau. Area râ, aita e tia i te feia maramarama ia haapao i te mau parau i manaóhia e i faaauhia hoi e te taata, maori râ, ia tiaturi noa i te mau parau paari i tae mai na roto i te heheuraa e te mana o te Autahuáaraa. Amene.

Papaihia e --Ioane Orotona

Tapao----Parua Tumu

Ua roohia te hoê taata i te tahi ma'i ino roa. Ua tamata noa oia i te rapaau ia'na iho, aita râ i ora, te tupu noa ra i te rahi. Haere maira oia i mua i te mau taote, na ô maira oia: "E homa, e ma'i rahi to'u. Tauturu mai; horoa mai i te tahi raau; faaora mai ia'u."

Parau atura te mau taote ia'na, "E hi'opoa maite matou i to'oe huru, e ia itea-papu-hia te reira, e tamata matou i te tauturu ia'oe. E ua na reirahia. E ia oti te hi'opoaraa, parau faahou atura te mau taote ia'na e, "E hoa, e ma'i ino mau to oe, area râ e ora oe i taua ma'i na, mai te mea e haapao oe i ta matou parau. Te ite nei matou i na huru maa e maha ta oe e amu noa nei. Ua au ore roa teie nei na mea ia oe; te tumu ia no to oe ma'i, e na te reira

hoi e faatupu i to oe ma'i i te rahiraa. Ia haapae noa oe i taua na huru maa e maha ra e tia'i. E tera ia te tahi na raau i anoihia, e ia tamau oe i teie nei raau e tia'i.

Mai te mea e haapae noa oe i taua na maa e maha ra, mai te rave tamau i teie nei raau, e ora roa oe.

Ua ho'i atura te taata ma'i i to'na fare, area râ, no to'na hinaaro puai i taua na maa e maha ra, aore oia i haapae; e no te avaava o te raau, aore oia i rave tamau. Te vai noa ra to'na ma'i; te tupu noa ra hoi ia i te ino rahi. I muri a'era ua tupu te mana'o e, te mea tia ia, ia haapao oia i te parau na te mau orometua; e ua na reira oia, mai te haapae i te maa i opanihia ia'na, e mai te rave tamau i te raau. E te hopea ia, na ora roa. E oaoa rahi to'na. Ua mauruurn atoa te mau taote.

I muri iti a'era râ, ua tuu-faahou-hia taua na maa e maha ra i mua ia'na, e ua tupu faahou to'na hinaaro i te reira, e ia tamata oia, mana'o ihora e maa maitai ana'e, e e mea puai ta'na amuraa. No reira, ua tupu faahou to'na ma'i, e ua ino rahi roa'e i to te matamua. Ia ite oia i to'na huru, haapeepee maira i te mau taote; mai te ani mai e, "Tauturu faahou mai ia'u."

Ui atura te mau orometua e, "E hoa, ua amu faahou anei oe i tera na maa au ore tei opanihia ia oe?" Pahono maira oia, "E, no to'u hinaaro rahi, i amu ai au, e eita e nehenehe ia haapae." Ui faahou atura ratou, "Nafea te raau ta matou i horoa ia oe?" Pahono maira oia, "Eita atoa e nehenehe ia rave au i te reira."

Ua parau atura te mau orometua ia'na e, "E hoa, nafea matou i te faaora ia oe, mai te mea eita oe e haapao i ta matou parau? Ua oti to oe huru i te hi'opoahia, e ua papû te reira ia matou, e aita'tu ravea e ora'i oe, maoti râ e haapae noa oe i taua na huru maa e maha ra, e maoti râ

hoi, e rave tamau oe i te raau ta matou i horoa'tu na oe."

I teie nei â, te vai noa ra to'na ma'i ino rahi i nia iho ia'na; e te ani noa maira ia tauturuhia e ia faaorahia oia ra.

TAPAO---2.

Teie hoi to tatou mau tapanu:

Uiraa 1: O vai teie taata i parauhia nei?

P. O te taata tarahu ia.

Uiraa 2: Eaha ia to'na ma'i?

P. E tarahu rahi ia.

Uiraa 3: Eaha ia taua na huru maa e maha ra?

P. Te hoê ra, o te ani-noa-raa e te farii-noa raa i te moni no vetahi ê ei tarahu: te piti ra, o te rave-noa-raa i te mau mea, noa'tu te huru, no roto mai i te mau fare toa, mai te ore i aufau i te moni no te reira; te toru ra, te hoo-noa-raa i te mau mea au ore, e nehenehe noa'i ia vaiiho; e te maha ra, o te papai-noa-raa ia i te i'oa i nia iho i te mau huru parau hooraa, parau tarahu noa'tu i tuu-noa-hia mai i mua ia'na.

Uiraa 4: Eaha ia te raau i horoahia ia'na?

P. O te haapiiraa ia, ia rave itoito i te ohipa i te mau mahana atoa, mai te haavi i to'na iho mau hiaai au ore, i mai te tapea noa mai i te tufaa rahi no to'na mau faufaa e noaa mai ei haapêraa i to'na tarahu, ia oti roa e.

Uiraa 5: Nafea hoi tatou i te tauturu atu i taua taata ra ia ora oia?

Na outou iho â e pahono mai.

—*Papaihia e Ole B. Peterosona*

Te Mau Parau Api

Te Vai Nei Te Hoê Taata Motoraa Api Teie Nei.

I te fenua Amerika i te 23 no te Setepa i te matahiti

1926 na tupu te hoé motoraa rahi roa; Jack Dempsey raua Gene Tune.

Dempsey, teie tona huru. I te matahiti 1919 ua riro ia'na te taata moto no teie nei ao e ua tapea-noa-hia Dempsey i te reira e tae noa'tu i teie matahiti oia hoi e 7 matahiti ona ana'e te taata moto, (champion). Teie tona huru mau, e 90 kilo, e 6 avae i te roa. To'na matahiti e 31 ia teie nei e e taata faaipoipohia atoa hoi.

Gene Tune, teie tona huru— oia hoi e taata api roa e aita i faaipoipohia. Tona matahiti e 28 ia e 86 kilo e e 6 avae e 1 initi i te roa. Teie nei ua riro taua taata (Gene Tune) te rê matamua no te ohipa moto. Ona ana'e te taata moto (champion) teie nei.

Ua haamatahia te motoraa i te 23 no Setepa i te ahiahi i te oire Philadelephia i te fenua Amerika. Ua moto raua e 10 round e ua riro Gene Tune te rê matamua no tana ohipa maitai. O Gene Tune te taata itoito roa i roto i te aua motoraa. Ona te taata faatau ore mau e no reira ua riro te rê ia'na oia hoi te taata moto (champion) no teie nei ao.

Teie te rahiraa o te mau taata i haaputupuhia i reira, e hoé hanere e toru ahuru ma piti tausini (132,000). Teie te rahiraa o te moni, e hoé milioni hitu hanere pae ahuru aore tausini (1,720,000.) tara moni Amerika. Ua horoahia e maha hanere pae ahuru aore tausini (450,000) tara ia Dempsey. Ua horoahia e piti hanere tausini, (200,000) tara ia Tune e te pae toe ua horoahia i te mau tauturu no te taiete motoraa.

I te matahiti i mua atu e farerei faahou raua i roto i te aua motoraa e teie to'u iho manaó e riro faahou Dempsey te rê matamua oia hoi champion.

O van o Tukihiti â Makitua raatira pahi te faaite atu nei au i te parau api no Hau. Ua parari o Hei Tiare i te

I no A
faaoraa
te taoá

Ua
pahi e
matou

Tiare e

I te

faaite u

pahi e

Ua

Tiare, e

te mana

parau ta

Te au

te naere

I t

hoé au

Teie te

hinu e

e hitu

puai o t

Ua naer

ravehia

hinu e

auahi r

erika.

I te

e 6 i rot

ora rat

I no Atopa matahiti 1926 i te pae atau o te ava i Hao, no te faaoraa mai i roto i te ava. E mea rahi rii te pufa i ino e te taoá hoi i rari e ua ino roa hoi.

Ua tamata matou i te mau ravea no te faaoraraa i te pahi e aita roa'tu i manuia. E piti ahuru ma pae mahana matou i te faaitoitorea i te rave i te ohipa faaoraraa ia Hei Tiare e aita roa'tu i manuia.

I te 26 no Atopa ua tae mai te Moana i te ava e ua faaite mai te parau api no Tahiti mai na ô mai e, vai'ho i te pahi e reva matou i Tahiti.

Ua tae matou i Tahiti e ua ravehia te ohipa no Hei Tiare, e aita roa'tu vau e to'u mau mataro i peapeahia, mai te manaóhia e te feia manaó ino. Ua haamanaó vau i te parau ta Davita i parau i roto i Salamo 1:6 o tei nao mai e, "Te au maira hoi Jehova i te haerea e te parau-tia ra; area te haerea o te feia paletu ore ra o te pohe ia."

I te avae Setepa no teie nei matahiti ua haamatahia te hoé auahi rahi roa i te fenua Amerika tufaa California. Teie te huru oia hoi ua haamatahia te auahi i roto i na tura hinu e maha. Teie te rahiraa o teie mau tura hinu oia hoi e hitu hanere e pae ahuru tausini (75,000) paero. No te puai o te mataí aita i hoé ravea no te faaoreraa i te auahi. Ua haere taua auahi ra e na mahana e pae e teie te ino tei ravehia. Ua pohe roa e na taata e piti. Ua pau roa te hinu e e piti fare atoa hoi. Teie te faufaa i pau i taua auahi ra oia hoi e hoé ahuru ma pae tausini tara moni Amerika. Teie nei e mea iti roa te hinu toe i te fenua California

I te 6 no Setepa i te fenua Amerika na mau e na taata e 6 i roto i te fare auri. Ua feruri ratou, eaha te ravea ia ora ratou. Teie te hopea no to ratou feruriraa oia hoi, ua

rave ratou i ta ratou man reta hahuraa, e ua heruhia ratou i te hoé apoo i rapae au i te fare auri. Ua horo ratou i te moá e ua tapuni. I muri'ho ua haere te mau tiai i te moá e ua itehia e piti, te tani pae râ aita itehia. Ua parau maira te mau tiai, itoto roa tele mau taata no te mea, ohipa rahi roa ia heru te apoo i te reta hahuraa.

Ua tupu aénei te hoé tamaí i te fenua Inidia (India), ua taparahihia na taata e toono, e te vai mauui noa nei, e 33 taata.

Ua pupuhihia te hoé taata, i te fenua Amerika. Te eiâ ra tei taata i te moni na roto mai i te hoé fare raau, a pupuhihia' i oia ra.

Ua pohe te hoé taata e ta'na tamaiti i te fenua Amerika. Ua paapaania to ratou fare i te auahi, e a imi ai te metua tane i te raveá e ora' i ta'ua tamaiti, ua pohe raua toopiti atoa. Ua haamou-atoa-hia te fare.

Ua eiâhia e pae hanere tausini tara moni Amerika. I te 10 no Setepa no teie nei matahiti Ua haere a na taata e toru i nua i te hoé pereoo auahi, tapatoa ihora ratou i te mau taata rave ohipa i roto i te pereoo. I muri'ho ua tupai-iate mau taata rave ohipa e ua pohe ratou. Ua imi noa taua na taata e toru ra i roto i te pereoo e ua itehia te hoé pute i roa i te moni. Ua rave ratou teie moni e ua horo atura. Te imi noa nei te mau mutoi e aita roa' tu i manuia. E pae hanere tausini tara moni Amerika i ravehia.

Alma G. Burton. Imprimeur,
Rue Brea et de la rue Dumont d'Urville, Orovini, Papeete